




一本堂行餘毘三四疋蟲

198
3



一本堂行餘醫言卷之三



平安 香川修德太冲父著

疝所晏切 疝即聚又即痕 附陰癩 脂腳

疝者鬱氣之凝滯而為痛者也。多在少腹。或上逆而奔突急痛。或四方走注為痛。或自臍下升奔衝心而痛。或下控陰囊為痛。或引背脊。或牽脇肋。或縮小便。或秘大便。或不得前後。或大便忽瀉。忽秘。或為久泄。或為久秘。或控引。或入腹則痛不可忍。或腹皮急。或腹筋急。或脈張筋怒。如

有形或腹中雷鳴裡急非必瀉或腹中有聲如蛙或腰痛不可俯仰或引腿膝不得屈伸或惡寒發熱甚則戰慄鼓額壯熱譫語至痛之劇則如切如裂如刺如絞壯夫踴呼欲絕欲死或手足厥冷冷汗如流或繞臍而痛或自汗出或臍上下凝如臂即痃也或飲食不為肌膚羸瘦少氣或腹滿嘔吐不得飲食種種證候千狀萬態不可說盡又有遂成滯患或歲一二發或月二三發者發則臍腹大痛寒戰壯熱煩悶大汗陣陣作止大憊而醒若有內虛而發則終

致不起而及其淫溢則成遺精成久瀉成腹滿成虛勞成癃閉成燥結成胃反其變至多不可悉述猶癥之成暴動成空氣成痰液也

暴動者欬嗽也嘔吐也喘哮也噦也

空氣者噫也噦也屁也欠也鼓脹也腸鳴也

痰液者痰也酸苦清水涎唾也瀉也水脹也帶下也

蓋痼之凝結也亦猶癥之以漸積累空氣一滯則其隙罅之地位終難可充實故俗語云痼不可根治唯以調停溫

發使不發為上策耳。察其所發多因過食。或喫生冷硬物。油膩厚味。炒炙芳香之物。或飲酒大醉。或房室過度。間由世變人情。大怒深憂而發者有之。若能節慎。可免數發。疝名亦甚濫。略舉于下。

疝。

出素問。長刺節論云。病在少腹。腹痛不得大小便。病名曰疝。又見大奇論。至真要大論。五藏生成論等。

疝氣。

出靈樞。邪氣藏府病形篇。又見神農本草。五加皮條。又見海藻條。甄權。

卒疝。

同上。經脉篇云。氣逆則羸腫卒疝。實則挺長。虛則暴癢。又見素問。繆刺論。外臺秘要。所引集驗方。已下同。

厥疝。

出素問。五藏生成論云。有積氣在腹中。有厥氣。名曰厥疝。食吐不下。名曰厥疝。

衝疝。

同上。骨空論云。此生病從小腹上。衝心而痛。不得前後。為衝疝。

狐疝。

于涂醫言

疝

三

一才堂

出靈樞

本藏篇云腎下則腰尻痛不可以俛仰為狐疝

損生癩此言狐本陰怪獸故謂陰疝異常證狀為狐疝

也猶張機言狐惑證也而至儒門事親乃云狐疝其狀

如互卧則入少腹行立則出少腹入囊中狐則晝出穴

而溺夜則入穴而不溺此疝出入上下往來正與狐相

類也亦與氣疝大同小異今人帶鉤鈐是也此鑿說之

最僻者也蓋就狐字致種種憶想杜撰何足取乎又醫

學綱目云狐夜伏而晝見以疝處厥陰之分即人之陰

篡隱與之所晝下而夜上故以狐疝名焉此亦自張之

說轉些

○素問又稱狐疝風四時刺

心疝逆從論

同上邪氣藏府病形篇云心疝引臍小腹鳴熱病篇云

心疝暴痛又素問脉要精微論云心疝少腹當有

形也又見大奇論又見肘後方病源候論云由陰氣積

於內寒氣不散上衝於心故使心痛謂之心疝也其痛

也或如錐刀所刺或陰陰而疼或四支逆冷或唇

口變青又外臺秘要所引范注方稱三十年心疝

肺疝

出素問大奇論

肺風疝脾風疝心風疝腎風疝肝風疝

同上四時刺逆從論

疝瘕

出素問

平人氣象論云疝瘕少腹痛玉機真藏論云脾

疝瘕

疝

四

疝瘕

曰蠱神農本草稱疝瘕者十餘條而稱婦人疝瘕者三條病源候論云其病雖有結瘕而虛假可推移故謂之疝瘕腹內急痛腰背相引痛亦引小腹痛又出甲乙經

七疝

同上骨空論云任脉為病男子內結七疝女子帶下瘕聚八十一難云任之為病其內苦結男子為七疝女子為瘕聚並無名目至病源候論云厥疝瘕疝寒疝氣疝盤疝附疝狼疝此名七疝也厥逆心病足寒諸飲食吐不下名曰厥疝也腹中氣乍滿心下盡痛氣積如臂名曰瘕疝也寒飲食即脇下腹中盡痛名曰寒疝也腹中乍滿乍減而痛名曰氣疝也腹中痛在臍旁名曰盤疝也腹中臍下有積聚名曰附疝也小腹與陰相引而痛大便難名曰狼疝也按外臺秘要所引文仲七疝九條云暴心腹厥逆不得氣息痛達背脊名曰尸疝心

下堅痛不可手近名曰石疝臍下堅痛得寒冷食輒劇名曰寒疝脇下堅痛大如手痛時出見若不痛不見名曰盤疝臍下結痛女人月事不時名曰血疝少腹脹滿引膀胱急痛名曰脉疝此只六種而闕一種至張從政又別易名目云寒疝水疝筋疝血疝氣疝狐疝癩疝是謂七疝寒疝其狀囊冷結硬如石陰莖不舉或控睪丸而痛水疝其狀腎囊腫痛陰汗時出或囊腫而狀如水晶或囊痒而燥出黃水或少腹中按之作水聲寒濕之氣聚於囊中故水多令人為卒疝筋疝其狀陰莖腫脹或潰或膿或痛而裏急筋縮或莖中痛痛極則痒或挺縱不收或白物如精隨溲而下血疝其狀如黃瓜在少腹兩旁橫骨兩端約中俗云便癰氣血流溢滲入疝囊留而不去結成癰腫氣疝其狀上連腎區下及陰囊或因踰哭忿怒則氣鬱之而脹怒哭踰罷則氣散者是也小兒亦有此疾俗曰偏氣狐疝其狀如瓦卧則入小腹行立則出小腹入囊中狐則晝出穴而溺夜則入穴而

不溺此疝出入上下往來正與狐相類也亦與氣疝大同小異今人帶鉤鈴是也癩疝其狀陰囊腫脹如升如斗不痒不痛者是也女子陰戶突出雖亦此類乃熱則不禁固也此說大鑿固不足取且其解筋疝血疝者元非疝證不可感張之安談誤認疝證也

牡疝湧疝氣疝

出史記淳于意傳

寒疝

見金匱方論及甲乙經病源候論已下皆同

儒門事親云寒疝亦

名水疝非也

小兒寒疝

見本草綱目

梨葉條又棟條云小兒冷疝

飢疝

出病源候論

肘後方云飢而心痛名曰飢疝

五疝

同上。一曰石疝二曰血疝三曰陰疝四曰妒疝五曰氣疝是為五疝也而范注所錄華佗太一決疑雙丸方云治八否五疝積聚伏熱留飲往來寒熱而不可顯五疝

之狀

臍下疝。臍疝。大疝。

並見甲乙經。

心腹疝。

見外臺祕要所引古今錄驗療久寒三十歲心腹疝癥。

癥積聚。

癥疝。

見醫宗必讀。

積疝。

見丹溪心法附餘。

勞疝。

見丹臺玉案。

腎疝。肝疝。脾疝。

並見玉機微義引脉經。

小腸疝。濕疝。熱疝。

見景岳全書。

古今醫統稱腸疝。○衛生易簡方云小腸疝氣偏墜陰腫。

疝

七

一

濕熱疝虛疝

見明醫指掌圖

暴疝

見儒門事親

橫弦豎弦

三因方云疝之為病絞刺擊搏无有定處倉卒之際痛不堪忍世人稱為橫弦豎弦此即膀胱小腸氣賊風入腹等名義不同證狀則一證治要訣云少腸氣即是疝氣今謂之橫弦豎弦

腎氣

出仁齋直指

釣腎氣

見醫林集要

腎氣疝實疝

並見醫學綱目

七情疝痰疝

見醫學入門

腫疝

見醫學正傳

小腸膀胱氣

此元出神農本艸

烏韭條云利小腸膀胱氣又名醫別錄屋游條亦同其他不多見

未

詳其疝否後世別稱膀胱氣

本事方儒門事親三因方又證類本艸胡蘆巴條

小腸氣

本事方王機微義又本艸綱目馬鞭草條引纂要奇方云婦人疝痛名小腸氣非也衛生易簡

方作小腸氣痛

蟠腸氣木腎偏墜

見丹溪心法附餘又醫林集要等作盤腸

盤腸氣

出萬病回春

云腸中走氣作聲或痛者是盤腸氣也小

腸臍傍一梗升上鈞痛者是小腸氣也小腹下注上奔心腹急痛者是腎氣也陰子偏大偏小者是偏墜也陰

子雖硬大而痛者是木腎氣也又云偏墜氣又云氣胞木腎水胞偏墜

腎餘陰腫

古今醫統云世俗呼為小腸氣膀胱氣奔豚氣蟠腸氣

橫弦監弦偏墜木腎腎餘陰腫

腎餘疝氣見醫學綱目

陰疝。

見外臺秘要所引文仲方云寒疝亦名陰疝又見肘後

準繩云陰疝一名癰疝○名醫別錄地脈條云女子陰疝

陰狐疝氣。

金匱方論云陰狐疝氣者偏有大小時時上下

陰疝癖。

見本草綱目蕪荻條引

木疝。

陳藏器

祕方集驗云木疝即木腎

癰疝癰瘰疝。

出素問至真要大論云丈夫癰疝婦人小腹痛脉解篇

控暉而痛也又靈樞經脉篇同癰疝作瘰疝痛作腫經筋篇云瘰疝腹筋急

腸瘰疝瘰疝瘰疝瘰陰

並見靈樞邪氣藏府病形篇瘰陰見五色篇

陰癰。

千金方云癰有四種有腸癰卵脹氣癰水癰醫學入門

卵癩水癩本
出肘後方

陰癩氣癩氣

出證治要訣

暴癩

出名醫別錄海藻條

卒癩

見外臺祕要所引集驗方

雙癩

見千金翼方

癩風

見三因方云癩風之症世謂腎臟風

兒癩

見千金方

名醫別錄蜘蛛條云大人小兒癩又外臺祕要所引備急方小兒癩古今錄驗小兒陰癩本艸綱目桃仁條小兒卵癩又杜父魚條陳藏器云小兒差類差類陰核大小也又食鹽條小兒疝氣并外臺腎氣日華子本出外臺祕要所引劉氏

小兒胎疝

行余醫言

疝

十一

一六

見資生經

婦人陰癩

見本中綱目

鯨鯉條引
摺玄方

千金方及翼方作陰胎

陰跳狐筋

並見甲乙經

內疝

見養生主論

聚大聚盛聚。瘕聚結聚。氣聚六聚。瘕大瘕暴瘕。氣瘕寒瘕。

伏瘕。固瘕。產瘕。疝。疝。氣結。氣冷。疝。

已上皆見癥門。此數者畢竟疝也。

狐疝。風。顏。疝。積。疝。瘕。疝。氣。疝。盤。疝。肘。疝。狼。疝。尸。疝。石。疝。血。

疝。脉。疝。水。疝。筋。疝。偏。氣。帶。鈞。鈴。疝。如。疝。卵。癩。羞。顏。偏。疝。冷。疝。

腎。臟。風。腸。疝。木。腎。氣。偏。墜。氣。氣。胞。水。胞。陰。腫。肝。氣。下。部。氣。

氣結

已上皆見上。肝氣見于後。下部氣亦同。氣結見于肘後。

方

大略若是皆是華人喜多名之所致而遂反眩惑以為聾
 聵之說張從政之論疝也全是逞臆偏見固不足取且其
 遺溺閉癢陰痿睥痺精滑白淫皆男子之疝也血涸不月
 月罷腰膝上熱足臂噬乾癢閉少腹有塊或定或移前陰
 突出後陰痔核皆女子之疝也以上諸證豈疝也哉若謂
 因疝為此諸證則可也直謂指此為疝則妄矣又云但女
 子不謂之疝而謂之瘕此亦不詳讀古書之誤也素問云
 有積氣在腹中有厥氣名曰瘕疝女子同法五藏生神農
成論

本艸以下稱婦人疝瘕者頗多

葦本條婦人疝瘕獨活條
女子疝瘕衣魚條婦人疝

瘕又名醫別錄乾漆條云女子疝瘕
又有名未用地朕條云女子陰疝

女子固有疝疾何得

不謂疝乎此亦妄矣且換七疝之目者亦是杜撰之甚也
 其稱筋疝者即下疳瘡及淋之事也血疝者便毒也此亦
 豈疝也哉若謂二證兼疝則可言也况張文仲云臍下結
 痛女人月事不時名曰血疝見外臺
秘要則見從政之解血疝
 者全是一已之僻說而非疝之事無復可疑也如李仲梓
 辨七疝較優於諸氏

醫宗必讀云內經所謂任脉為病內結七疝合言疝證
 之原也所謂衝疝狐疝癩疝厥疝瘕疝癰疝瘰疝分
 言七疝之狀也巢氏不能詳考內經原具七疝乃強分
 厥癥寒氣盤附狼自附于內經之七疝不亦妄乎空張
 子和非之曰此俗工所立謬名似矣及其立論但辨陰
 器與小腸膀胱腎了不相干專屬肝經受病竟不知任
 脉為七疝之原亦不知經文自有七疝散見于各論之
 中又添寒水筋血氣狐癩之七種此其疵謬與巢氏未

有以異也若言疝為筋病皆挾肝邪則可若言止在厥
 陰一經不亦與內經相戾耶且執病在下者引而竭之
 不問虛實既與攻下其禍有不可勝言者豈待下後始
 補而可回其生乎瘕與癩同如是則分一證為二李仲梓其求而不足強填之以合七數何
不加卒
儒門事親云疝本肝經空通勿塞狀疝有七疝乎
前人論者甚多非靈樞素問銅人之論余皆不取非余好異也但要窮其原耳七疝者何寒疝水疝筋疝血疝氣疝狐疝癩疝是謂七疝俗工不識因立謬名或曰膀胱或曰腎冷或曰小腸氣小兒曰偏氣立名既誤併失其實又云且夫遺溺閉癃陰痿疝瘰精滑白淫皆男子之疝也不可妄歸之腎冷血涸不月月罷腰膝上熱足躄嗌乾癢閉少腹有塊或定或移前陰突出

後陰痔核皆女子之疝也。但女子不謂之疝而謂之瘕。又云內經曰木鬱則達之達謂吐也。令條達肝之積本當吐者然觀其病之上下以頌為貴。仲景所謂上宜吐下宜瀉者此也。

王百堂之論疝也。懸空捕風之言。不過以口舌強解耳。若小腸氣是小腸膀胱氣是膀胱則當是腎氣是腎肝氣是肝疝氣是疝何得特云疝氣是肝乎。若以經絡言則膀胱固足經尚可言矣。小腸是手經何得謂因經絡並而連及乎。若然則脾膽胃亦經絡相並何不言疝耶。若以相及言則大腸三焦肺心亦當相連及何其說之不通如是耶。且

引趙以德說亦由無定見也。已謂疝專屬任脉而又別立肝氣一目以欲與小腸氣膀胱氣腎氣相同益足以見其迷昧矣。

證治準繩云或問疝病古方有以為小腸氣者有以為膀胱氣者唯子和丹溪專主肝經而言其說不同何以辨之曰小腸氣小腸之病膀胱氣膀胱之病疝氣肝經之病三者自是不一昔人以小腸膀胱氣為疝者誤也。小腸氣俗謂之橫弦弦遠臍走注少腹攻刺而膀胱氣則在毛際之上小腹之分作痛與疝氣之有形如瓜有聲如蛙或上於腹或下於囊者不同也。但小腸膀胱因經絡並於厥陰之經所以受病連及於肝則亦下控引羣丸為痛然止是二經之病不可以為疝也。又曰任脉是疝病之本源各經是疝病之支流又曰若諸經受

邪不與任脉相干，則不名為疝矣。又曰：戴人既曰用內經靈樞明堂之論，要窮疝病之源，而不及於任脉生病之源，何也？其餘亦皆此類。殆厭讀矣。其文冗長，不暇悉錄。詳見證治準繩。

張介賓之論疝證而駁張朱戴則較可，但未免醫家之言，故不可盡取耳。

景岳全書云：疝氣病者，凡小腹羣丸為腫為痛，止作無時者，皆是也。但疝證不一，又云至若衝疝，疝之屬亦皆男婦之所同病者，然唯羣丸之病獨在男子，而他則均當詳察也。又云：今人但言男子之疝，而全不知婦人之疝，殊失之矣。又云：疝氣所屬本非一經，如內經云：此素問言諸經之疝也。又經筋等篇云云。此靈樞言諸經之疝也。自張子和云云，此子和之意，以疝為筋病，而筋主於肝，故謂疝必厥陰，似亦有理，而實則不然。觀內經

諸論云云，然則小腹前陰之經，則厥陰、少陰、太陽、陽明、少陽、太陽，以至衝任督脉，皆有所涉。今考銅人經治疝之法，則諸經皆有俞穴。若謂止屬厥陰，則諸皆可廢矣。即子和亦謂諸穴雖亦治疝，然終非受疝之地。此何說也。自後丹溪遂因子和之言，謂經有七疝，專主肝經，與腎經絕無相干。再至戴原禮，又因丹溪之說云：疝本屬厥陰之一經，余嘗見俗說小腸膀胱下部氣者，皆妄言也。嗚呼！此等議論，皆後學逞億之見，果堪信乎？果足法乎？醫失真傳，類多如此，故非靈素銅人之言，余誠不敢取也。

王百堂李中梓並云：徃徃見人偏患於左丸者，則痛多腫少。偏於右丸者，則痛少腫多。此亦非必皆然也。

見證治準繩醫宗必讀

按癩即是疝之根也。而兼瘀血為疝之狀者也。陰囊腫張。或偏或雙。大小不一。或大如茄。如梨。又大如蹴鞠。如人頭。至大有奇怪可驚者。

京東二條河濱有一丐者。以大筋為綽號。

邦俗通呼陰囊為筋。即陰

筋之陰囊腫脹。大如二三歲兒。屈脚覆卧。箕踞沙地。襤

褸蓋覆。誇言以乞米錢。往來眾人擲錢求觀。丐者乃披

開示之。覽者皆駭。以為怪物。又浪華一丐者。陰筋腫大。

可二人首許。以布囊盛之。芎繩括之。挂其繩於項。以行。

不則甚重。不能數步。巡街叫化。此其最大者。聊記以廣

見聞。○按外臺秘要所引集驗方。古今錄驗。並云。陰腫

大如斗者是已。

又小兒亦有是疾。生來早有。乃父母之遺患耳。又婦人亦

有自中年及老年。小腹下陰股上。生若疝者。小者如拳。大

者如鞠。時時怒張。牽引臍腹疼痛。恰如男子癩。怒張與疝

發痛之狀。又間見輿夫急脚。類足脰有紫赤色筋脉。如浮

絡。如糾繩。隴起縱橫者。是人曾有苦疝痛。至如是而後宿

患遂愈

記得有一急步患疝為其貧忍小痛東西奔走日夜不
懈遂至膀胱紫脉如網聯絡舊疾不發後成金夫於一
條街貫家高枕事安逸脚膀胱紫絡漸去再苦疝疾小腹
痛甚終至不起

俗間謂即是寸白蟲也。那寸白蟲錯下足到皮裏膜外被
迫窄緊些不能上下進退不得止而怒張帶血色也不然
此乃瘀血之不凝結乎陰囊而到乎足而不動者也。

又有一種俗呼暗脚者其證初發不覺何因而然或一脚
或兩脚脛腫大不痛不痒行步不妨雖不治療終身無害
間有腿種者此亦瘀血惡汁之凝結脚部者而與陰癩同
類不治之疾也王肯堂與脚氣同看非也

證治準繩云脚氣兩脚腫滿是為癰疾南方多見兩足
腫大與疾偕老者初起當以重劑宣通壅滯或砭惡血
而去其重勢後以藥治

凡已成癩者勿強攻治治亦無益不治亦無甚害如痛甚

用止痛藥痛止則停藥勿復根治又有陰囊痛大腫赤遂潰出膿者此是囊癰而非癩醫書以是證併入陰癩中者亦非也

三因方云夫陰癩屬肝係宗筋胃陽明養之世多不識謂之外腎非特名義差錯亦使內臟不分其可不辨古方雖出四證但曰腸癩氣癩水癩卵脹殊不別其所因如腸癩則因房室過度元臟虛冷腸邊筋系不收墜入癩中上下無定謂之腸癩屬不以外因病者久畜憂思

恐怒兼并隨臟氣下墜陰癩腫脹急痛名曰氣癩屬內所因病者久坐冷濕濕氣下襲致陰腫脹名曰水癩屬外所因病者勞役無節及跨馬坐車致卵核腫脹或偏有大小上下無常名曰卵脹亦屬不以外因有小兒生來便如此者乃宿疾也卵脹腸癩皆難治氣癩水癩治之易愈又寒疝下注入于癩中名為狐疝亦屬癩病世人因此並以癩病為疝氣不審之甚婦人陰門挺出亦稱癩病名義不分有如此者陳言指陰囊直稱癩者誤也又云凡癩

病唯腸癰無問貴賤多有之有睡卧營系延入脇下者
 有墜入囊中者或遇疲勞及天色變動逼上囊根腫急
 作痛過於寒疝得暖則下其如卵脹有作熟生膿為癰
 潰爛者比比有之此乃向所謂囊癰而非疝也非特陳
 言有是誤諸醫派皆然不足深責也
 按靈樞云腰脊者身之大關節也肢脛者人之管以趨翔
 也莖垂者身中之機陰精之候津液之道也故飲食不節
 喜怒不時津液以溢乃下留於臑血道不通日大不休俛
 仰不便趨翔不能此病榮然有水不上不下鉞石所取形

不可匿常不得藏刺節真邪篇此說陰囊所以大之由也蓋為

不得其說強以津液內溜為解非也

附字辨疝說文云腹痛也字彙云陰病正字通云腎病又
 字彙正字通康熙字典並引釋名心痛曰疝疝說也氣說
 說然上入而痛也俱不盡疝疾狀蓋疝以疼痛壅塞控引
 攣急為其首候又上衝心胃下走腿膝出於表入於裏縱
 橫無方變化無窮固不一義而足矣故諸韻書說皆不得
 盡世俗以氣積如山為解者亦幾乎陋又醫家者流通以

仙韻呼之甚非也。百年來慣誦弊習，殆至難改正。讀本韻反誤聽聞，可勝嘆哉。癩與瘡同，謂陰囊腫大為癩。按素問靈樞癩瘡通書，無別故字，彙癩下云同瘡。瘡下云徒回切音顏。陰病但稱陰，病未盡癩狀。正字通反以字彙為非者，誤也。又作瘰癧，正字通又為癧，與瘰癧同也。未知是否。又按說文，瘰癧痛亦非。劉熙釋名云：陰腫曰墮，氣下墮也。又曰：疝亦言說也。說引小腹急痛也。據此則墮亦與瘡通。但醫書未見用墮字。

錄補曾記有保井宗春者，年已七十矣。自壯患疝，久為滯疾。方其平常無事之日，有人推背，則忽自腹裏發大噫，可驚。再推再噫，三推三噫，連續推之亦無不連續噫。不唯背已，或肩或腰或脇或脊，亦莫不皆然。又肘膈腿膝時偶輕打，則亦間有發大噫。若噫則其人大呼快哉，豁然。此由腹裏常有空氣，隨推打乃發為噫耶。抑由疝氣為推打所動，俄然生空氣，乃以發噫耶。推打與噫同時齊出，間不容髮。奇哉，可怪。此亦疝之異證也。故書以示諸子弟。

一本堂行餘醫言卷之三畢

一本堂行餘醫言卷之四

平安 香川修德太沖父 著

蟲

夫蟲之生也未有不一皆因湮鬱幽滯而蒸熱也蓋人之元氣健運強行無少鬱滯則蒸熱何因而生蒸熱不生則元氣清爽平快固無病患而今也元氣纔少湮鬱幽滯則蒸熱乃生蒸熱已生則諸患隨起蟲亦生焉但蟲者熱之微亦不生熱之甚亦不生其熱之蒸蒸而鬱而不通暢則元

氣壅遏蟲於焉生。生則不堪在內而必出。在胃則吐出。在腸則下出。少者一二條。多者十餘條。甚者至數十條。有頻生而頻出者。有數日而生而出者。有日日生而日日出者。其證多端。不可窮盡。間有內生而不外出者。如此者。其害匪輕。凡稱蟲者。唯蛭蟲最居多。其生也必直出。如小兒每然。蓋小兒元氣猶未十分強壯。故飽食則元氣專奔命於胃中。而腸間元氣微怠。慢而鬱滯。已鬱滯而蒸熱。則蟲乃直生而下出矣。若水穀速入腸中。腸中充滿。則元氣專奔

命於腸間。而胃中之氣微怠。慢而鬱滯。已鬱滯而蒸熱。則蟲乃隨生而吐出矣。腸胃上下。蟲之生出。其化機俱同。此止蟲之生出。而其後無何患。害以元氣尋乃健運也。如乳食兒亦然。雖大人亦不異。唯大人則元氣剛強。固無緣生蟲。苟有少鬱滯之人。蟲必生出。止是一生出。而不再出者。乃是一旦之事。而非有病害。若頻生頻出者。由腸胃鬱熱。化蟲成熟。路也。上出則為吐蛭。下出則為下蛭。如此者。不早治。則他證隨起。不可不施治也。若內生而不外出者。患

狀不一。此以元氣怠慢太甚，不得發越而驅出也。如此者，或腹痛如刺如撞，或胸痛脇痛，或乾嘔，或吐食吐痰，或惡心嘈雜，或吐酸水，或噫醋氣，或頻乾噫，或目眩頭重，或腹鳴雷沸，或背痛腰重，或腿股重痛，或泄，或秘，或放屁惡臭，或腹脹似鼓脹狀，或小腹宛熱，或兩眇脹悶，或背微惡寒，或蒸蒸微熱，或口涌清水，或頻吐唾，或鼻間異臭，或惡粳飯，或他物，或偏嗜一物，或喫生米茶葉浮炭，或喫燒土。俗所謂土蘇呼為葛宏刺條者。或喫手爪甲種種證候，不可盡述。又有

奇怪不可名狀，尋常至希，所不見聞之疾，多是蟲證。且此證與癩相為影響，故世醫呼小兒疾，多為蟲證者。若非癩，則必是癩，而蟲亦間有之。其證或蒸蒸微熱，有癢有蟲，有癩有蟲。或多食多飲，或癩，或蟲。或性急多怒，多癩，多蟲。或軀啼號哭，多癩，多蟲。或食後懶倦，長坐不立，或癢，或蟲。或目眶赤爛，鼻下赤爛，涎流頤赤爛，多蟲，或腹脹體瘦，有癢，有蟲，有癩，有蟲，癩後必成疔。等是也。若緊謂之蟲證者，非也。須審察詳辨，施設救療之方法，慎勿誤矣。俗稱蟲出者，猶云蟲生所為也。非謂吐下出也。乃上所謂癩癩蟲三證相似。

非必皆是蟲之所為也。宜謹診候。細別治術。靈素論蟲甚疎不足據取。

靈樞云肘後麤以下三四寸熱者腸中有蟲。論疾診尺篇

又云脾脉微滑為蟲。毒蝮蝎腹熱。邪氣藏府病形篇

又云腸中有蟲。瘕及蛟蛭皆不可取。以小鍼心腸痛懷作痛腫聚往來上下行。痛有休止。腹熱喜渴涎出者。是蛟蛭也。以手聚按而堅持之。無令得移。以大鍼刺之。久持之。蟲不動。乃出鍼也。厥病篇

又云中熱則胃中消穀。消穀則蟲上下作。腸胃充郭。故

胃緩胃緩則氣逆。故唾出。五癘津液別篇

又云人之涎下者。何氣使然。曰飲食者皆入於胃。胃中

有熱則蟲動。蟲動則胃緩。胃緩則廉泉開。故涎下。口問篇

又云氣為上膈者。食飲入而還出。余已知之矣。蟲為下

膈。下膈者。食晬時乃出。余未得其意願。卒聞之。曰喜怒

不適。食飲不節。寒溫不時。則寒汁流於腸中。流於腸中

則蟲寒。蟲寒則積聚守於下管。則腸胃充郭。衛氣不營。

邪氣居之人食則蟲上食蟲上食則下管虛下管虛則邪氣勝之積聚已留留則癰成癰成則下管約其癰在管內者即而痛深其癰在外者則癰外而痛浮癰上皮膚

熱上膈篇

素問云胃欬之狀欬而嘔嘔甚則長蟲出 欬論

又云短蟲多則夢聚衆長蟲多則夢相擊毀傷脉要精微論

又云歲木不及蟲食甘黃脾土受邪氣交變大論

又云歲土不及復則蟲食甘黃氣客於脾同上

張機始說吐蚘蚘厥

傷寒論云厥陰之為病消渴氣上撞心中疼熱饑而不欲食食則吐蚘下之利不止○又云傷寒脉微而厥至七八日膚冷其人躁無暫安時者此為藏厥非為蚘厥也蚘厥者其人當吐蚘今病者靜而復時煩此為藏寒蚘上入膈故煩須臾復止得食而嘔又煩者蚘聞食臭出其人當自吐蚘蚘厥者烏梅圓主之○又云病人有寒復發汗胃中冷必吐蚘

名醫別錄見四五條

名醫別錄乾漆

去虵

藿菌

同 芎實

殺虵

棟根

虵

酸榴東

行根等條

同

○甲乙經千金方外臺祕要所引崔氏方

皆同又外臺祕要所引肘後方集驗方廣濟方必效方

千金方有作蛔者

病源候論已下皆同

病源候論云虵蟲者是九蟲內之一蟲也長一尺亦有

長五六寸或因府藏虛弱而動或因食甘肥而動其發

動則腹中痛發作腫聚去來上下痛有休息亦攻心痛

口喜吐涎及吐清水貫傷心者則死診其脉腹中痛其

脉法當沈弱弦今反脉洪而大則是虵蟲也○千金方

云少小有虵蟲結在腹中數發腹痛微下白汁吐悶寒

熱飲食不生肌皮肉痿黃四肢不相勝舉

按古專稱三蟲

神農本草二十餘條

白青理石長石粉錫天門冬薏苡仁根藜蕪鳶尾青葙子貫衆菖蒲

蝮休蕪萸吳茱萸根赭魁厚朴雷丸棟實桐皮梓白皮白僵蠶蜈蚣白頸蚘蛔麝香等或曰去或曰下或曰殺

或曰名醫別錄數條通州石長生蘇合香檳榔桃花樞實等是也

病源候論云三蟲者長蟲赤蟲蛻蟲也為三蟲猶是九蟲之數也長蟲蛻蟲也長一尺動則吐清水出則心痛貫心則死赤蟲狀如生肉動則腸鳴蛻蟲至細微形如菜蟲也居脘腸間多則為痔極則為癩因人瘡處以生諸癰疽癬癩痲疥齧蟲無所不為此既是九蟲內之三蟲者而今別立名當以其三種偏發動成病故謂之三蟲也○按外臺秘要引肘後方云三蟲者謂長蟲赤蟲蛻

蟲也乃有九種而蛻蟲及寸白人多病之寸白從食牛肉飲白酒所成相連一尺則殺人服藥下之須結裏潰然出盡乃佳若斷者相生未已更互速除之蛻蟲多是小兒患之大人亦有其病今人心痛清朝口吐汁煩燥則是也范汪備急亦稱三蟲○余謂蟲之至長莫過於寸白蟲故長蟲應是寸白蟲也蛻蟲固淡紅色雖謂之赤蟲而無不可也觀肘後解三蟲其下云蛻蟲及寸白人多病之則赤蟲固不當謂之寸白乃其為以寸白當長蟲必明

矣

名醫別錄始言五蟲而無名目千金外臺說五藏蟲充之
 名醫別錄蜂子條云大人小兒腹中五蟲從口吐出者
 外臺祕要立五藏蟲門引刪繁療脾勞有白蟲長一寸
 在脾為病令人好嘔而胃中駭駭一作嘔而不吐又
 療肺勞熱損生肺蟲形如蠶在肺為病令人欬逆氣喘
 或謂憂恚氣隔寒熱皆從勞之所生名曰膏育無心肝腎三證
 千金方云肝勞生長蟲在肝為病恐畏不安眼中心勞

熱傷心有長蟲名曰蠱長一尺貫心為病脾勞熱有白
 蟲在脾中為病令人好嘔肺勞熱生蟲在肺為病腎勞
 熱四肢腫急蟻蟲狀如菜蟲在腎中為病
 千金謂勞則生熱熱則生蟲心蟲曰蛔脾蟲寸白腎蟲
 如寸截絲縷肝蟲如爛杏肺蟲如蠶五蟲皆能殺人惟
 肺蟲為急肺蟲居肺葉之內蝕人肺系故成癆疾咯血
 聲嘶藥所不到治之為難有人說道藏中載諸蟲頭皆
 向下行唯自初一至初五以前頭上行故用藥者多取

月朏以前蓋謂此也

九蟲之稱肇於巢元方。而後世論蟲證者皆遵用而不違。遂馴致如張從政蟲論之煩鑿。葛可久勞蟲之怪妄。總由不知要約。漫迷多端而然也。今畧舉而辨駁焉。

病源候論云九蟲者一曰伏蟲長四分二曰虬蟲長一尺三曰白蟲長一寸四曰肉蟲狀如爛杏五曰肺蟲狀如蠶六曰胃蟲狀如蝦蟇七曰弱蟲狀如瓜瓣八曰赤蟲狀如生肉九曰蟯蟲至細微形如菜蟲伏蟲群蟲之

主也。虬蟲貫心則殺人。白蟲相生子孫轉大長至四五尺亦能殺人。肉蟲令人煩滿。肺蟲令人欬嗽。胃蟲令人嘔逆吐喜噦。弱蟲又名膈蟲令人多唾。赤蟲令人腸鳴。蟯蟲居腸多則為痔。極則為癩。因人瘡處以生。諸癰疽癩癘癩疥齧蟲無所不為人亦不必盡有。有亦不必盡多。或偏有或偏無者。此諸蟲依腸胃之間。若府藏氣實則不為害。若虛則能侵蝕。隨其蟲之動而能變成諸患也。○外臺秘要所引集驗方以下皆同。

千金方云論曰人腹中有尸蟲此物與人俱生而為人
 大害尸蟲之形狀似大馬尾或如薄筋依脾而居乃有
 頭尾皆長三寸又有九蟲此以下與病源候論同但偏無下云類婦人常
 多其蟲凶惡人之極患也

仁齋直指云經云人身中有八萬尸蟲若無即人身不
 成不立尸蟲與人俱生狀如馬尾或如薄筋出則在脾
 入則五臟之俞居之然人亦不必盡有有亦不必盡多
 也古方論臟腑九蟲多寡有無固未可必亦當備識其

名目

九蟲同上

蚘蟲俗謂之食蟲其他皆由臟腑不實脾胃

俱虛雜食生冷甘肥油膩鹹藏等物節宣不時腐敗停
 滯所以發動蟲之為候嘔惡吐涎口出清沫痛有去來
 乍作乍止外此又有兒童疳蠱昏睡煩燥鼻爛汁臭齒
 齩生瘡下利黑血支集疳論附之其傷寒濕蠱證候蟲
 食下部為狐下唇有瘡蟲食其臟為惑上唇有瘡活人
 總括言之詳矣○古今醫統云經云人身中有八萬屍
 蟲若無即人身不成不立此屍蟲與人俱生而生者蓋

食蟲即食蟲是也凡人飲食五味具焉濕熱化為此蟲
 即與飲食之糟粕轉化而有生故人身中之所必有也
 而亦不可絕無也經曰八萬亦過矣○八萬尸蟲說始
 見病源候論其稱經者不知何書疑是佛書其妄談固
 不須辨故徐春甫既云過矣可以見耳

儒門事親云巢氏之行九蟲三蠱詳矣然蟲之變不可
 勝窮要之皆以濕熱為主不可純歸三氣虛與食生具
 巢氏之行九蟲也曰伏虵白肉肺胃弱赤蟻此下與病源候論同

唯文字有三蠱者濕蠱心蠱疳蠱病源候論有此三蠱少異同耳

氏之論蟲蠱為病之狀固詳矣然蟲之變此數者天地
 之間氣之所至百蟲爭出如歛陰所至為毛化其應春
 其蟲毛其畜犬其應夏其蟲羽其畜馬其應長夏其蟲
 裸其應秋其蟲介其畜雞其應冬其蟲鱗其畜彘此下
刑其臟肝脾其蟲毛介其臟心肺其蟲羽鱗其臟脾腎
去其蟲裸毛其臟肺肝其蟲介羽其臟腎心其蟲鱗裸地
氣制已勝天氣制勝已天制色地制形色者青黃赤白

黑形者毛羽倮介鱗其生也胎卵濕化其成也跂行飛走故五氣五味根于中五色五類形于外而有一歲之中互有勝復故厥陰司天毛蟲靜羽蟲育介蟲不成居泉毛蟲育倮蟲耗羽蟲不育少陰司天羽蟲靜介蟲育毛蟲不成居泉羽蟲育介蟲耗羽蟲不成居泉倮蟲育鱗蟲不成少陽司天羽蟲靜毛蟲育倮蟲不成居泉羽蟲育介蟲耗毛蟲不育陽明司天介蟲靜羽蟲育介蟲不成居泉介蟲育毛蟲

耗羽蟲不成太陽司天鱗蟲靜倮蟲育居泉鱗蟲耗倮蟲不成如風勝則倮蟲不滋此之類也皆五行之相剋也唯濕復則鱗見于陸為濕土相剋水長則反增水鱗雖彘然見于陸則反當以故不同也已上皆信連氣生剋之妄言立說因不足切巢氏言脾胃虛而為水濕所乘者非也乃脾胃取也大甚熱為水濕多也以玄珠考之蟲得木之氣乃生得雨之氣乃化以知非厥陰風木之氣不生非太陰濕土之氣不成豈非風木主熱雨澤主濕所致耶玄珠容語全是運氣

之邪說何可信乎以此為引證即是同類相黨耳且風木固非熱夫不生于少陰少陽之熱而生于風水者抑何耶竟不免強誣耳故五行之中皆有蟲惟金之中其蟲寡冰之中無蟲且諸木有蠹諸果有蠹諸菜有蟲諸菽有蚜五穀有螟螣發蟻麥朽蛾翻粟破蟲出草腐而螢蚊糞積而蟬蟻若此者皆木之蟲也烈火之中有鼠爛灰之中有蠅若此者皆火之蟲也土中盤蛇坯中走蚓穴蟻墻蝎田螺崖蜴若此者皆土之蟲也科蚪孕於古池蛭馬躍於荒湫魚滿江湖蛟龍藏海若此者皆水中之蟲也

昔有冶者碎一破釜將入火爐其鐵斷處窠白中有一蟲如米中蟲其色正赤此釜烹飪不啻千萬不知何以生了不可曉亦金火之氣也惟冰之中未嘗見蟲焉北方雖有冰鼠止是食冰非生于冰也乃知木火屬春夏濕土屬季夏水從土化故多蟲金從秋氣冰從冬氣故無蟲焉此欲強成濕熱生蟲水寒不生蟲之說牽強費辨妄作過鑿以不可奈何水中多生魚鼈故言水從土化而舉冰從冬氣偏解邪說未有誣甚於此者矣若以生物有被翹有翹蟲醬有醬蟲醢有醢蟲飲食停久皆有蟲若以為動物不

生蟲如戶樞不蠹之類然動勞之人亦有蟲豈有不動者耶且文籍衣服故不閱不衣而不蠹然非經季夏陰注或暴乾不待冷納于笥中亦不生蟲蠹也或瓮傍地濕鼠婦來朋牆下壤乾狗蚤居中豈均生于濕耶蓋蚤雖不生于濕亦有生于冬熱則蟲生寒則不生生理故然也夫蟲之所居必于脾胃深處藥之所過在于中流蟲聞藥氣而避之群者安得取之予之法先令饑甚次以檳榔雷丸為引予別下蟲藥大下十數行可以掃而空

滌上張子政用此法下蟲數百相啣長丈餘若夫瘡久而蟲蛆者以木香檳榔散傳之神良別有墜蛆之藥皆其方中此不具陳也

瑯邪代醉編云世間萬物無不生蟲艸木土之中生蟲至多固其常也至於火中生蟲則火鼠也極南方有之其毛以為火浣布而火南雞亦食火陰山以北積雪歷世不消其中生蛆其大如瓠北人謂之雪蛆味極甘美張子和著儒門事親書云某民家一鐵鍋底上起一鐵

泡鎚破有一紅蟲其走如飛其背至硬是金鐵中亦有
 蟲也鮮于伯機述北方古寺中鐵鍋聲如牛吼破出紅
 蟲凡數百枚尤異丹陽人採碑於積石之下得自然圓
 石如拳破之有一蟲出於中似蟻螯狀蠕蠕能動人不
 能熟識因棄之後有人語之曰人欲求富貴莫如得石
 中金蠶畜之則寶貨自至詢其狀則石中蟻螯也五色線
 ○此謂雪中生蛆即是冰中之蟲也欲破張從政之偏
 迷故併書焉

醫說云虬蟲九蟲之數人腹中皆有之小兒失乳而哺
 早或食甜過多胃虛蟲動令人腹痛惡心口吐清水腹
 上有青筋火煨使君子與食以殼煎湯送下甚妙然世
 人多於臨臥服之又無日分多不驗唯是於月初四五
 閒五更服之至日午前蟲盡下可以和胃溫平藥一兩
 日調理之不可多也凡蟲在人腹中月上旬頭向上中
 旬橫之下旬頭向下故中下旬用藥即不入蟲口所以
 不驗也牛馬之生子上旬生者行在母前中旬生者並

肩而行下旬生者後隨之猫之食鼠亦然上旬食上段

中旬中段下旬下段自然之理物皆由之而莫知之醫餘

證治準繩景岳全書並舉之○余家久畜猫每觀其食鼠未嘗見一回如是矣必定食頭而次及下吁亦安哉

俞弁續醫說引本事方其後云又姚寬西溪叢話云五

臟蟲皆上行唯肺蟲下行最難治用獺爪為末調藥

於初四初六日治之此日肺蟲上行也二說小異姑兩

存之以備參考

赤水玄珠云予在吳下時有同志友吳生諱震號九互

者博雅君子也每與予討論多善予一日偶談及鼓脹

乃詰予曰鼓有蟲否予卒不敢應俛思久之對曰或

有之當以疑辭對者蓋以目未見而書無考也按許學

士本事方云臍腹四肢悉腫者為水但只腹脹而四支

不甚腫者為蠱註謂蠱即鼓脹也由是參之古人曾以

蠱鼓同名矣且蠱以三虫為首豈無首哉愚謂鼓脹即

今云氣虛中滿是也以其外堅中空腹皮綳急有似于

鼓故以鼓脹名也彼蠱證者中實有物積聚已久濕熱

蠱魁已
云蠱非
始于許
而舉本
事方者
疎陋何
為如是

生蟲理或有之吳生曰子質何其敏也子堂嫂病鼓三載腹大如箕時或脹痛四肢瘦削三吳名劑歷嘗不瘳吳俗以者多用火焚燒至腹忽響聲如炮人皆駭然乃見蟲從腹中炮出高二三丈許燒所之天為昏俄而墜地細視之皆蛔也不下千萬數大者長尺餘蟲腹中復生小蟲多者十五六條或十數條或五六條蟲在人腹中蕃息如此曷不令人脹哉區區藥劑豈易瘳哉顧蠱以多蟲為首于義始見許之以蠱名鼓者旨可徵矣惜

乎諸書未有言及子既為後人立言幸釋數方以備後之治鼓疾者知有此蠱字義也予聞之恍然如夢始覺然猶未親見其異也歲萬曆癸巳赴督漕理刑吳比部之召而至淮陰有王鄉宦者其子年十六新娶後腹脹大按之有塊形如稍瓜四支瘦削發熱晝夜不退已年半矣族醫惟以退熱消脹之劑投之其脹愈大其熱愈熾甚且喉中兩耳俱瘡余診視之脉滑數望其唇則紅其腹即疼又多嗜肥甘余思諸凡腹疼者唇色淡不嗜

飲食今若此得非蟲乎投以阿魏積塊丸服之果下蟲數十大者二一紅一黑長尺餘蟲身紅線自首貫尾蟲腹中有蟲大者數條小者亦三四條蟲下則熱漸減脹漸消三下而愈此余所親治者益信前聞之不虛也古今醫統云治蟲之方固多而用之者不知其法則亦不能下蟲而徒瀉其虛也如丹溪云蟲頭向下之時必須俟其向上法當行於月半之前也若蟲得食則不食藥亦不能下蟲而徒瀉其虛也故雖有方不知其法而

方弗效也凡欲下蟲必先一日不食而使蟲飢次早五更用油煎肉嚼之良久腹內蟲聞肉香頭皆向上而欲食方以雞彈煎餅和藥嚼而食之須臾服蔥湯或白水少少以助藥力下行不踰時而蟲俱下甚至數升然後以白粥補之隨服補劑調理胃氣斯充而諸疾悉愈又云飲食之入於胃也非濕與熱則不能腐化化則蟲之隨以有其形而與糟粕俱出於大腸者也曆家五月今日腐草化為螢斯時也濕熱俱盛故腐即化人之飲

食可以類推。今夫飲食濕熱腐化而為蟲。此固理之可
有而不可多也。惟其不節恣食厚味。生冷則邪氣偏盛。
濕熱太過。是以蟲生過多。則為害。故有腹痛食少嘔吐。
清水之病。生而漸至于羸瘠而危者有矣。

景岳全書云。凡吐蚘者。必因病而吐。蚘非由吐而致吐
也。故不必治其蚘。而但治其所以吐。則蚘自止矣。有因
胃火而吐蚘者。以內熱之甚。蚘無所容而出也。但清其
火。火清而蚘自靜。有因胃寒而吐蚘者。以內寒之甚。蚘

不能存而出也。但溫其胃。胃煖而蚘自安。有因胃虛無
食而吐蚘者。以倉廩空虛。蚘因求食而上出也。此胃氣
大虛之候。速宜補胃。溫中以防根本之敗。以上三者。固
皆治蚘之法。然蚘有死者。有活者。若吐死蚘。則但治嘔
如前可也。若活蚘上出不已。則不得不有以逐之。蓋蚘
性畏酸畏苦。但加烏梅為佐。使則蚘自伏也。若胃實火
盛者。可加苦楝根或黃連亦善。

論曰。天地之大德。謂生。蓋天地唯以生生為心。而美惡良

毒非有所擇矣。人亦萬物之一。而其貴其靈。無復比駢。豈萬物之所可伍乎。雖謂有天地而後有人。而非人則無見知之。亦言之。則天地之為天地者。以有人也。賴人而後知。言天地。則是天地之所以為天地者。非有人則不可以言。不可以知。是故莫貴於人。亦莫靈於人。故其中舉一人為首領。以主天下之政。以天地為父母。謂之天之子。所謂大君。吾父母之宗子。是也。天固不言。故代之以言。而遂成天地之性。豈非貴而靈乎。故凡山河草木禽獸蟲魚。皆以為

體祿養人。禮註云。人為保蟲之長者。大非也。月令人何以蟲名乎。夫蟲者。自禽獸蟲魚。以至歧行喙息之微。皆莫非是天地氤氳煦煦之造化。其中有雙翼者。二足者。四翅者。鷲者。馴者。山林居者。家畜者。四足者。角者。牙者。鱗者。鬚者。海產者。河產者。介者。殼者。保者。八足者。百足者。六足者。又有鳳鸞。孔雀。麒麟。獬豸。龜鼈。蛟龍。又有虺蜥。雞。蚤。蝨。蚊。蚋。大小長短。強弱剛柔。飛走潛蟄。游泳屈伸。鳴息蠕動。皆莫不成其性。此乃天地陰陽元氣交感之狀情。而兩間諸

蟲所生如是其大者皆能交接而胎生卵生莫不蕃息至細微者多是化生而及其已生則亦皆莫不孳尾而卵生滋多此所以生生不息之體也至人腹中生蟲亦猶如此即是元氣蒸蒸之所為奚有異哉而人腹中所生唯虬蟲為最多其次寸白蟲也。虬蟲為少自靈樞至張仲景俱說虬蟲及神農本草名醫別錄始稱三蟲即是虬蟲寸白蟲。虬蟲也至巢元方肇說九蟲此為泛濫之本而所謂虬蟲白蟲虬蟲即三蟲也伏蟲亦虬蟲之小者耳其肺蟲胃

蟲肉蟲弱蟲赤蟲希有之事乃百年之間一二見之者何足以為法則乎皆可刪去名目也又名醫別錄千金方外臺祕要所引刪繁方等說五藏蟲者猶是寸白蟲虬蟲為多及本事方既舉如爛杏如蠶等說非也如孫思邈曰人腹中有蟲尸與人俱生既是不可信也況至如楊士瀛曰身中有八萬尸蟲若無即人身不成不立則妄誕莫甚焉雖焚棄此書可也徐春甫猶且疑焉唯曰過矣惜乎不直存其妄也如張從政歷巢氏論諸蟲也欲誇其詳反過大

鑿其所立論專據運氣生尅勝復配當因司天在泉舉蟲之成育不成育及牽扯玄珠密語為考證既不知其皆邪說而煩猥特為可厭矣况欲主張濕熱生蟲之說而謂以風水之熱而生以濕土之濕而成金之中蟲寡冰之中無蟲水從土化故多蟲甚矣哉其愚暗也夫運氣全是邪說固不足取也張也信之以為極致乃是方技者流之陋何須辨為假令運氣之說有之不生于少陰少陽之熱而生于風水之熱者抑何耶非亦運氣中之偏見乎草木金石

固不能離土而存此雖謂從土化可也而不是之言而反謂水從土化此欲援水寒不生物之說強作誣言耳彼所謂土化者即地氣也土即地也固非四者之比乃地中蒸蒸之氣生生不息何物不生化亦是天之煦煦之氣貫徹地中無所不至離地以上皆天也其天間之氣即地中蒸蒸之氣天地交感生生不息造化之機如此之極非張等方伎之眼所能知也且河海深淵不測之大水豈底傍土氣之所可勝乎水中之氣即天地之化氣生生不息者水

中之所生。比諸物特為最夥。大者海魷。其最大之極長數百丈。六不知幾許圍。雖莊周妄言之鯢。不可過也。小者蝦苗。鯢卵。不知一場之地。幾千萬億矣。有大鱗之屬。細鱗之屬。無鱗之屬。龜鼈之屬。蛤蚌貝殼之屬。決明石礮之屬。烏賊。章舉之屬。沙喫海蛇之屬。琵琶鍋蓋之屬。水牛水虎之屬。獮獺。脰脰之屬。蟹之屬。蝦之屬。金鯽之屬。銀魚之屬。及龜。鼈。蛟。龍。人魚。和尚。變怪奇異。不可名狀之物。皆無不生於水之中。故欲誣以此為土化。豈其理哉。又謂金之中蟲。

寡冰之中無蟲。此不能奈何。水之中多生蟲。故舉冰欲成。臆說捉雲捕風。過鑿妄意。孰甚於此耶。且金中固生蟲。雪裏亦生蛆。雖未親見。而冰中亦當有蟲。天地造化。何物不生。蟲又不問燥濕動靜。皆莫非斯理。而區區以寒熱強辨。竟非正論。嗚呼。天地化生。生煦煦蒸蒸之氣機。豈亦張從政之所能知乎哉。又自朱震亨以下。楊士瀛。張景。俞弁。徐春甫。或云蟲頭向上。向下。上行下行。上半月。下半月。月初四。五。四。六。日分臨臥等說。皆妄說也。不暇一一辨。為唯

行餘醫言

卷之四

一本堂藏書

張介賓稍得能知

景岳全書云治蟲之法按丹溪云上半月蟲頭向上易治下半月蟲頭向下難治先以肉汁或糖蜜引蟲頭向上然後用藥此皆法之善者然此惟緩治之法耳然蟲證甚急又安能必待其時乎且以望前望後辨蟲頭亦若渺茫無據惟先用香餌而蟲頭可引豈非望後之治亦自有法又何慮其難治也

又如孫一奎不知因虵為腹脹間有此證而以此為鼓脹且不知以蠱本與鼓同音代書充之而強就蠱字作種種臆說亦可謂過鑿矣又如濕熱者古今醫家宿習之陋弊沈痼難破其說冗長今不贅焉又如張介賓云因病吐虵非因虵致吐故不治虵而治其所以吐則虵自止者非也每觀因虵致吐治虵而吐止者多矣其說不亦矣乎又謂因胃火因胃寒因胃虛及由死虵活虵異治者亦近泛濫無要虵蟲究竟腸胃之鬱蒸使然耳非有他因也若夫區區之強辨皆由不知天地人身氣化之所以然也

又有稱長蟲者。或云虬。或云寸白。辨別難明。

神農本草。藿菌生漆。去長蟲。白頸蚯蚓等條。並云。殺長蟲。

按素問云。胃欬之狀。欬而嘔。嘔甚則長蟲出。論。又云。短

蟲多則夢聚。衆長蟲多則夢相擊。毀傷。脈要精微論。此長蟲

已見素問。又按巢元方云。長蟲。虬蟲也。然外臺秘要所

引肘後方文。似直以長蟲為寸白。未決孰是。否。短蟲。即

蟯蟲也。

以其寸寸為節而白。故稱寸白蟲。寸。即今之曲尺。六分餘。長者至十

丈餘。短者四五尺。至一二丈。細似麪線。又有大如指。廣薄

如厚紙者。又謂寸白。至一尺則殺人者。亦非也。詳見下。

都下有平巖道智者。年六十餘。一日上廁。糞後有如麥

線者出。已及一尺餘。大怪。以剔牙杖纏之。久而不斷。強

引斷而止。既出。廁股間覺冷。以為向之白條。猶未盡。復

上廁。以廢筋纏之。久之。纜出盡。乃伸其前後所纏。則殆

八丈餘。此即寸白蟲之自然而下者也。其他長五丈六

丈者。予已見十餘人。又大宮里菱家。清某患腰痛。或作

行餘醫言 蟲 二十五 一本堂藏書

或止只重墜不可言喻予曰此恐疝之生蟲者也耳乃
 灸十六俞十八俞腰眼上膠數日忽覺裏急上廁下白
 物一團大如指廣薄如厚綾白而光滑其長不可知腰
 痛頓愈爾後終成滯患歲或二發或三發數年自愈此
 亦寸白蟲之大者也

按寸白之名始見名醫別錄

名醫別錄貫衆寸白桑根白皮薤菌橘同檳榔殺寸蕪
 荑逐寸酸榴東行根寸白雷丸寸白自等條所云是也
出不止

稱白蟲者自神農本草已言之

神農本草蠡實蔓荊狼牙等條並云去白蟲又名醫別
 錄連翹衛矛黃石脂辛夷郁李根去白曾青殺白雷丸
 白等條並云

病源候論云寸白者九蟲內之一蟲也長一寸而色白
 形小禰因府藏虛弱而能發動或云飲白酒以桑枝貫
 牛肉炙食并生栗所成又云食生魚後即飲乳酪亦令
 生之其發動則損人精氣腰脚疼弱又云此蟲生長一

尺則令人死又云白蟲長一寸相生子孫轉大長至四

五尺亦能殺人按千金方作子孫轉多其母轉大

千金方有治寸白蟲方又有治脾勞熱有白蟲在脾中

為病令人好嘔下蟲方○按外臺祕要所引千金療寸

白蟲化為水泄出永除方榘子檳榔蕪蕪○今考千金方無此文又無此方

外臺祕要寸白蟲方中所引廣濟療白蟲如馬蘭葉大

於下部出不盡以刀截斷者令人漸漸羸瘦石榴湯方

醋石榴根蕪蕪又有肘後方范汪方備急方救急方崔氏

方並療白蟲方皆入寸白蟲方內則此白蟲即為寸白

蟲甚明矣又刪繁方有療白蟲方

張杲醫說云趙子山字景高寓居邵武軍天王寺古寸

白蟲為撓醫者戒云是疾當止酒而以素所耽嗜欲罷

不能一夕醉於外舍歸已夜半口乾咽燥倉卒無湯飲

適廊廡間有甕水月色下照瑩然可掬即酌而飲之其

甘如飴連盡數酌乃就寢迨曉蟲出盈席覺心腹頓寬

宿疾遂愈一家皆驚異驗其所由蓋寺僕日織草履浸

紅藤根水也庚志

又云蔡定夫戲之子康積苦寸白為孽醫者使之碾檳榔細末取石榴東引根煎湯調服之先炙肥豬肉一大臠寘口中燕咀其津膏而勿食云此蟲惟月三日以前其頭向上可用藥攻打餘日即頭向下縱有藥皆無益蟲聞肉香呬啖之意故空群爭赴之覺胸中如萬箭攢攢是其候也然後飲前藥蔡悉如其戒不兩刻腹中雷鳴急登廁蟲下如傾命僕以杖挑撥皆聯綿成串幾長

數丈尚蠕蠕能動舉而拋於溪流宿患頓愈姑廣其傳以濟後人庚志

許叔微本事方云良方療寸白用錫沙茺萸檳榔者極佳予室和中每覺心中多嘈雜意謂飲作又疑是蟲漫依良方所說服翼日下蟲二條一長二尺五寸頭扁潤尾尖銳每寸作一節斑斑如錦紋一條皆寸斷矣千金謂勞則生熱熱則生蟲心蟲曰蛔脾蟲寸白腎蟲如寸截絲縷肝蟲如爛杏肺蟲如蠶五蟲皆能殺人惟肺蟲

為急肺蟲居肺葉之內蝕人肺系故成瘵疾咯血聲嘶藥所不到治之為難有人說道藏中載諸蟲頭皆向下行唯自初一至初五以前頭上行故用藥者多取月朧以前蓋謂是也○仁齋直指以下皆同

江瓘名醫類案云青陽夏戚宗陽家素業醫任江陰訓導有主負之父患腹脹求其診視乃曰脉洪而大濕熱生蟲之象况飲食如常非水腫蟲脹之證以石榴皮椿樹東行根加檳榔三味各五錢長流水煎空心頓服之

少頃腹作大痛瀉下長蟲一丈許遂愈

客坐新聞○治準繩亦引之

張介賓景岳全書云此蟲長寸許色白其狀如蛆母子相生有獨行者有箇箇相接不斷者故能長至一二丈蛟蟲者微細之蛆也但不多有耳

神農本草經菴菌條名醫別錄吳茱萸根白皮條並云按本出史記云臨菑汜里女子薄吾病甚眾醫皆以為寒熱篤當死不治臣意診其脉曰蛟瘕蛟瘕為病腹大上膏黃瘦循之戚戚然臣意飲以芫花一撮即出蛟可數

升病已三十日如故病。蟯得之於寒濕寒濕氣死篤不
發化為蟲。臣意所以知寒薄吾病者。切其脉循其尺。其
尺索刺瘦而毛美奉髮。是蟲氣也。其色澤者中藏無邪
氣及重病。倉公傳此蟯蟲證也。謂瘕者誤矣。

病源候論云。蟯蟲猶是九蟲內之一蟲也。形甚小如今
之蝟蟲狀。亦因府藏虛弱而致發動甚者。則能成痔瘻
疥癬癩癰疽痛諸瘡。蟯蟲是人體虛極重者。故為蟯蟲。
因動作無所不為也。又云。三蟲者。長蟲赤蟲蟯蟲也。蟯

蟲至細微形如菜蟲也。居胴腸間多則為痔。極則為癩。

因人瘡處以生諸癰疽癩癯痛疥。齧蟲無所不為。或云

蟲或云如蝟蟲尤可疑為不可決信是解也。○千金方及外臺祕要所引范

汪方肘後方備急葛氏方集驗方張文仲方等皆同。又

外臺祕要所引肘後論中云。蟯蟲多是小兒患之。大人

亦有其病。令人心痛。清朝口吐汁煩燥。則是也。

又有稱瘡蠱者。此謂小兒疳疾。蒸熱生虬蟲也。非別有異

蟲也。病源候論以下別立數條者。乃亦濫也。

病源候論云人有嗜甘味多而動腸胃間諸蟲致令侵食府藏此猶是蠱也凡食五味之物皆入於胃其氣隨其府藏之味而歸之脾與胃為表裏俱受土其味甘而甘味柔潤於脾胃脾胃潤則氣緩氣緩則蟲動蟲動則侵食成疳蠱也但蟲因甘而動故名之為疳也其初患之狀手足煩疼腰脊無力夜臥煩躁昏昏喜忘嘿嘿眼溢夜夢顛倒飲食無味而失顏色喜睡起即頭眩體重脘脛痠疼其上食五臟則心內懊懣出食咽喉及齒斷

皆生瘡出黑血齒色紫黑下食腸胃下利黑血出食肚門生瘡爛開胃氣逆則變嘔噦急者數日便死亦有緩者正沈嘿支節疼重食飲減少面無顏色在內侵食乃至數年方上食口齒生瘡下至肛門傷爛乃死又云五疳一是白疳二是赤疳三是蛻疳四是疳蠱五是黑疳詳見小兒疳條又云濕蠱病由脾胃虛弱為水濕所乘腹內蟲動侵食成蠱也多因下利不止或時病後客熱結腹內所為其

狀不能飲食忽忽喜睡綿綿微熱骨節沈重齒無色舌
 上盡白細瘡如粟若上唇生瘡是蟲食五藏則心煩懊
 若下唇生瘡是蟲食下部則肛門爛開甚者府藏皆被
 食齒下上斷悉生瘡齒色紫黑利血而濕由水氣也脾
 與胃合俱象土胃為水穀之海脾氣磨而消之水穀之
 精化為血氣以養府藏若脾胃和則土氣強盛水濕不
 能侵之脾胃虛弱則土氣衰微或受於冷乍傷於熱使
 水穀不消化糟粕不償實則成下利翻為水濕所傷若

時病之後腸胃虛熱皆令三尸九蟲內虛動作侵食五
 藏上出唇口下至肛門胃虛氣逆則變嘔噦蟲食府藏
 傷敗利出瘀血如此者死其因脾胃虛微土氣衰弱為
 水濕所侵蟲動成蠱故名濕蠱也又云有天行之濕初
 得不覺行坐不發恒少氣力或微利或不利病成則變
 嘔吐即是蟲內食於藏又云有急結濕先因腹痛下利
 膿血相兼出病成翻大小便不通頭項滿痛小腹急滿
 起坐不安亦內食五藏凡如此雖初證未發於外而

心腹亦常煩懊，至於臨困，唇口及肛門方復生，瘡即死也。又云：心蠱者，由藏虛，諸蟲在腸胃間，因虛而動，攻食心，謂之心蠱。初不覺他病，忽忽嗜睡，四支沈重，此蠱或食心，則心煩悶懊，痛後乃侵食餘處。診其脉沈而細，手足冷，內濕蠱在心也。

千金方云：凡得傷寒，及天行熱病，腹中有熱，又人食少，腸胃空虛，三蟲行，作求食，蝕人五臟及下部。若齒斷無色，舌上盡白，甚者唇裏有瘡，四肢沈重，忽忽喜眠，當數

看其上唇內有瘡，唾血，唇內如粟瘡者，心內懊懷痛悶。此蟲在上，蝕其五藏，下唇內生瘡者，其人喜眠。此蟲在下，蝕其下部，人不能知，可服此蝕蟲藥，不爾，蠱蟲殺人。又曰：凡患濕蠱者，多是熱病後，或久下不止，或有客熱結在腹中，或易水土，溫涼氣著，多生此病。亦有乾蠱，不甚泄痢，而下部瘡癢，不問乾濕，久則殺人。凡濕得冷而苦痢，單煮黃連及艾葉苦參之屬，皆可用之。若病人齒斷無色，舌上白者，或喜眠煩憤，不知痛癢處，或下痢急

治下部不曉此者但攻其上以下部為意下部生蟲

蟲蝕其肛肛爛見五藏便死燒艾於竹筒熏之

况病源候論千金方以下部爛潰為蟲之所蝕者誤矣此

因有瘀血而下部肌皮爛潰也非蟲之所為也且其生蟲

亦因爛潰生蛆也非因蟲成爛潰也立疳蠱濕蠱乾蠱蠱

蟲之名目者以其見不正也况立心蠱之名或謂蟲蝕人

府藏者皆可謂暗中摸索終無正見者也又按本艸有稱

殺蟲者數條此亦多是虬蟲之事但不明說故難辨別耳

神農本艸竹葉桃核仁條並云殺小蓋草條殺皮膚馬

蓼條去腸中名醫別錄羊蹄條殺鱧魚條殺諸龍眼

條去三大略如是未試的効不知實皆然否

向所舉伏蟲肉蟲弱蟲赤蟲肺蟲胃蟲食蟲蛟蛭蝟蠱膏

育心蟲脾蟲腎蟲肝蟲腸蟲一作蟲尸蟲一作蟲三蠱濕

蠱乾蠱心蠱蟻瘕短蟲等名皆由泛濫之所致母惑而可

也又有稱石虬者

熊宗立醫書大全云秣陵人張景患腹脹面黃醫莫能

行餘醫言

卷之四

一本堂藏書

治徐嗣伯曰此石虻爾極難療當得死人枕煮服即往
 古塚中取枕煮服之得大利并虻蟲頭堅如石者五升
 即愈引齊書曰未詳考○按李時珍本艸綱目引陳藏器曰有
 媪人患冷滯積年不瘥宋徐嗣伯診之曰此尸疰也當
 以死人枕煮服之乃愈于是往古塚中取枕枕已一邊
 腐缺媪服之即瘥張景聲十五歲患腹脹面黃衆藥不
 能治以問嗣伯嗣伯曰此石疰爾極難療當取死人枕
 煮服之得大疰蟲頭堅如石者五六升病即瘥○按正

字通痼字下引此事則本艸疰字由是誤也疰即莊周
 所謂懸疰字耳於虻何干正字通亦作張景本艸所舉
 聲字尤可疑也

又有稱穀道蟲者

出病源候論

濟世全書壽世保元同

後世謂之大孔蟲

千金方云治大孔蟲癢又云蠶蟲蝕下部癢穀道中生
 瘡又云治熱病蝕毒令人喜寐不知痛處面赤如醉下

行餘醫言

蟲

三十五

一本堂藏書

利膿血當數視其人下部大小之孔稷稷然一云搜然赤則蠱瘡者也

元出張仲景云蝕於肛者雄黃熏之雖然仲景惟以肛門潰蝕似蟲食故謂之蝕耳實非蟲之所為也但潰爛之後生蟲故後世醫人誤認其末遂為蠱蟲食下部之說也猶是牙齒腐爛而後蟲自生非始有蟲腐蝕牙齒也如狐惑亦然仲景惟云蝕於喉為惑蝕於陰為狐此言咽喉二陰潰爛為狐惑證耳名稱甚不是故吾門不取焉

金匱方論云狐惑之為病狀如傷寒默默欲眠目不得開卧起不安蝕於喉為惑蝕於陰為狐不欲飲食惡聞食臭其面目乍赤乍黑乍白蝕於上部則聲啞一作甘草瀉心湯主之蝕於下部則咽乾苦參湯洗之蝕於肛者雄黃熏之此元可見始無蟲字其非蟲之所為也蟲字始見病源候論云夫狐惑二病者是喉陰之為病也初得狀如傷寒或因傷寒而變成斯病其狀默默欲眠目攣不得卧卧起不安蟲食於咽喉為惑食於陰肛為

狐惡飲食不欲聞食臭其人面目翕赤翕黑翕白食於
 上部其聲嘎食於下部其咽乾此皆由濕毒氣所為也
 又云凡得傷寒時氣熱病腹內有熱又人食少腸胃空
 虛三蟲行作求食食入五臟及下部蠱病之候齒無色
 舌上盡白甚者唇裏有瘡四支沈重忽忽喜眠如此皆
 為蟲食其肚肚裏見五臟即死當數看其上唇內有瘡
 唾血唇內如粟瘡者則心內懊懷痛此蟲在上食其五
 臟下唇內生瘡者其人不寤此蟲食下部皆能殺之

世如盧和云腹內熱腸胃虛蟲行求食上唇有瘡曰惑
 蟲食其藏下唇有瘡曰狐蟲食其肚丹溪纂要吳崑云狐惑
 蟲醫方考皆從之者也

酒食蟲

出醫林集要云男婦酒食蟲

穿心蟲血鼈蟲傳尸蟲積血蟲疾心蟲馬尾細蟲

俱出龔信古今醫鑑

皆是泛濫無要之言吾門所可拒却而戒慎也故畧抄而

出為須知所擇而可也

又有稱蟲咬心痛者辨在心痛條

千金方稱虬心痛蟲心痛及外臺秘要所引廣濟方延
羊方張文仲方等皆同病源候論稱心蠱亦同

附字辨

蟲即羽毛鱗介之總名。或作虫。或作虺。並从省便。但音異耳。正字通辨之甚明。康熙字典無甚發明。又爾雅釋蟲云。有足謂之蟲。無足謂之虵。而刑昺疏云。此對文爾。散言則無足亦曰蟲。月令春日其蟲鱗。鄭註云。龍蛇之屬是也。此可以見為鱗介羽毛之總稱也。蛭。虵。蛔三字音義並同。戶恢切。音回。若虵或音為。或音尤。並非也。虵說文作蛭。正字通按。痼从疒。蓋指疾言。非痼即虵也。舊註以痼為腹中長

分部之自相矛盾者也。六書故蟲，直中切，蠕動歧行，羽飛之屬，皆以蟲。虺特一物，何以爲蟲類之宗？古書未有以蟲爲虺者，而融則以蟲爲聲，以斯知蟲與虺爲蟲之省文，非有二字也。備考及總要與書故同，蓋蟲爲水陸動物之通稱，象蟠屈之形。三之者，會族衆意，其或爲虺爲蟲，以省以便書也。舊註沿說文諸韻書以蟲爲古文虺，讀持中切者爲非。引郭忠恕佩觿集以證之，復引廣韻鱗介總名，又似讀蟲如毀訓，蟲爲蟲，既指蟲爲蟲，總

名則不宜與虺同音，必謂蟲爲古虺字，則不當與蟲互訓。不知郭說迂，廣韻說是也。或羽或毛，數語載說文，誤引爲韻會亦非。○康熙字典云：按說文玉篇類篇等書，虫、虺、蟲皆分爲三部，虫，吁鬼切，虺，古龜切，蟲，持中切，截然三音，義亦各別。字彙正字通合虫、虺、蟲二部併入虫部，雖失古人分部之意，而披覽者易于查考，故姑仍其舊。若六書正訛以爲虫，即蟲省文，則大謬也。○今參考二書，正字通爲直快，當從其說，故雖蟲省作虫可也。

又靈樞稱蛟蚘蚘蝎按爾雅蠹螿並謂之蝎詳見釋蟲邢昺疏中

蓋以腹中蚘蟲猶樹中蠹故稱蚘蝎也但蛟元蛟龍之蛟

非蚘之類或由有蚘蟲偶似蛟形者云然耶尤可疑焉嘗

記余治播州姬路久長里牝鹿家十二郎微惡寒微發熱

微欬嗽氣力倦怠差有瘦容太似勞瘵惟脉未數會其親

戚患勞瘵而死甚懼傳注避居郭外急請診治余偶遊其

地視之使速灸凡數萬壯後用獺肝丸果下蟲其狀蚘而

長幾二尺有四足目黑如椒目殆如畫工所圖蛟其人驚

異以示之余亦未始見如此異蟲乃烈日暴乾以視衆人

病遂日減諸證退而復舊此蟲可謂蛟蚘乎聊書以廣異

聞云○又按外臺秘要諸蟲心痛條云心腹中痛發作腫

聚往來上下痛有休止腹中熱喜涎出是蚘蟲咬也出甲乙經

第一卷中今考甲乙經作心腹痛發作腫聚往來上下行痛有休止腹中熱渴羨者是蚘咬也○千金

方云蚘心痛心腹中痛發作腫聚往來上下行痛有休止

腹中熱善涎出是蚘咬也據此二書則蛟即咬字之誤耶

咬字尤穩當從之為是也

附諸蟲辨

辨應聲蟲

張杲醫說載永州通判廳軍負毛景得奇疾每語喉中必有物作聲相應有道人教令學誦本州藥名至藍而默然遂取藍挨汁而飲之少頃吐出肉塊長二寸餘人形悉具劉襄子思為永倅景正被疾踰年親見其愈泊宅編又陳正敏遜齋閑覽載楊勗中年得異疾每發言應答腹中有小聲做之數年間其聲寢大有道士見而

驚曰此應聲蟲也久不治延及妻子互讀本州遇蟲不應者當取服之勗如言讀至雷九蟲忽無聲乃頓服數粒遂愈正敏其後至長沙遇一丐者亦有此疾環而觀之甚衆因教使服雷九丐者謝曰某貧無他技所以求衣食於人者唯藉此爾以上皆陳所記予讀唐張鷟朝野僉載云洛州有士人患應聲蟲即喉中應之以問良醫張文仲張經夜思之乃得一法即取本州令讀之皆應至其所畏者即不言仲乃錄取藥合和為丸服之應

行餘醫言

卷之四

一辨堂藏書

時而止乃知古有是事

百衲居士鐵圍山叢話

已上張杲所記也

後世醫書舉應聲蟲者皆止引之他書未嘗有言及者

原其始出巢元方舉腹內有人聲候病源候論云夫有

人腹內忽有人聲或學人語而相答此乃不幸致生災

變非關經絡腑臟冷熱虛實所為也

駁曰凡人之腹裏鳴者每多有之自雷鳴酒沸蛙聲水音

以至漉漉濯濯之韻響皆莫非空氣為元氣所推盪逼迫

上下奔馳自不得不作鳴聲也決非蟲之所鳴也猶平人

多時不食饑極而胃中空虛則鳴聲大聞于外也每觀瘦

人意應臟腑腸胃亦共消滅故腹鳴者多矣嘗記都下有

宇野之鼎者身材清臞多病自養常戲告人曰須聽我腹

鳴乃隨呼吸進退腹皮則腹裏大鳴此由臟腑消瘦有空

隙地而其間之空氣被推動而作聲也亦非蟲之所為也

如胎在腹裏不能發聲纔出產戶直即發聲如虬蟲寸白

蟲在腸胃中亦然絕未嘗聞有作聲者以聲自不可出也

若夫稱應聲蟲者每語腹中應答殆如響巖谷神然尤可

行餘醫言

諸蟲辨

四十三

一本堂藏書

快焉。假令實有蟲，亦當在腹裏，不能作應答之聲也。必矣。
 且其治法在讀本艸，一則至藍而不應，一則至雷丸而不
 應。而謂由蟲畏惡此二物也。既見其或畏藍，或惡雷丸，則
 意應其畏藍者，不始惡雷丸。惡雷丸者，不始畏藍。設使今
 有一應聲蟲病，倘取本艸讀之，至藍亦不畏，而應至雷丸
 亦不惡而答，則當有盡本艸皆應而不畏惡。天地變化，每
 無窮極，則雖使有應聲蟲，亦應不一樣。如此則將用何物
 以治之耶？抑又可以冥搜妄索，尋到何書，揆出妙藥耶？足

發一笑焉。乃知其病其治皆是妄誕而非實也。况於其謂
 吐出肉塊長二寸餘人形，悉具者乎？妄豈有過于此哉！余
 故斷曰：此疾決無之事也。而如醫人曾無一人說破其妄。
 此素方技之流，亦不足深責也。如張鷟、蔡條、方勺、陳正敏
 輩，徒聞怪異，不正其事之實否。漫筆之書，使後人致疑迷
 其過失，有更甚於醫人者也。亦可以見其無實見正識之
 所致也。

辨誤吞水蛭

張杲醫說載吳少師在關外嘗得疾數月間肌肉消瘦
每日飲食下咽少時腹如萬蟲攢攻且痒且痛皆以為
勞瘵也張銳是時在城都吳遣驛騎招致銳到興元既
切脉戒云明日早旦忍飢勿啖一物俟銳來為之計旦
而往天方劇暑白請選一健卒趨往十里外取行路黃
土一銀盃而令厨人旋治麪將午乃得食纔放筋取土
適至於是温酒一升投土攪其內出藥百粒進於吳飲
之覺腸胃掣痛幾不堪忍急登溷銳密使別坎一穴使

掖吳以行須臾暴下如傾穢惡斗許有馬蝗千餘宛轉
盤結其半已困故吳亦憊甚扶憇竹榻上移時方餐粥
一器三日而平始言去年正以夏夜出師中塗燥渴命
候兵持馬盃挹澗水甫入口似有物焉未暇吐之則徑
入喉矣自此遂得病銳曰蟲入人肝脾裏勢須滋生常
日遇食時則聚丹田間吮啞精血飽則散處四肢苟唯
知殺之而不能掃盡故無益也銳是以請公枵腹以誘
之此蟲喜酒又久不得土味乘飢畢集故一藥能洗空

之耳吳大喜厚賂以金帛送之歸庚志又寧國衛承務
者唯一子忽得疾羸瘦如削醫以為瘵疾治療無益醫
劉大用問其致病之因曰嘗以六月飲倡家醉臥桌上
醒渴求水不得前有菖蒲盆水清潔舉而飲之自是疾
作劉默喜密遣僕掘田間淤泥以水沃濯取清汁兩盆
置几上令隨意飲衛子素厭疾苦不以穢為嫌一飲而
盡俄腸胃間攻轉攪刺久之始定續投以空藥百粒隨
即洞泄下水蛭六十餘條便覺襟袍豁然劉曰此蓋盆

中所誤吞也蛭入人腹藉膏血滋養蕃育種類每粘着
五臟牢不可脫然久去汗渠患其所嗜非以此物致之
不能集也然疳羸別以藥調補類編又有人因醉薄暮
渴飲道傍田水自此忽患胸腹脹滿遍醫不効人亦莫
識其病因幹宿客邸夜半思水飲令僕覓之僕夜捫索
見有缸數隻疑店主以此貯水遂取一椀與其主飲便
覺胸次豁然再索之忽覺臟腑急於店仄空地大瀉一
二行平明視之所瀉乃水蛭無數繼看夜來所飲缸水

乃主人刈藍作澱者其病頓愈方思前時渴飲田水不覺誤吞水蛭在腹遂成脹痛之疾乃蛭為害今人耘田為此蟲所齧以澱塗之無不愈也

駁曰凡飲食之入人腸胃也雖有少遲速亦皆莫不腐化而精粹蒸成血精糟粕下成尿溺此乃平人之常也以其元氣健運也倘今有誤吞水蛭者已入胃中則當直歿若中其毒則或當大瀉或下血此其所也若不速歿則當蠕動腹痛不堪苦惱雖然水蛭畏鹽過于他蟲而人之飲食

皆莫不用鹽調和者則水蛭終當死其毒發則或瀉或下血亦其當然也而不如是曾無痛苦瀉下之異水蛭徒在腸胃間蕃息滋長者決無之事也設使以腸胃則當如此若活腸胃則當不然何也果其元氣健運則腸胃中之物無一不腐化者豈有飲食則如常腐化而水蛭則不腐化而獨滋息之理乎此甚易曉之事耳何不悟耶蓋腐儒庸醫不學正學不知正道理故也又按神農本草云去腸中水蛭馬蔘此亦可疑為或視寸白蟲誤認為此爾恐非實

然即是本州之不可信據者也。偶有一事，思得余家畜牝
 猫二十餘年，常臥坐隅，數見其肛門出寸白蟲，色白，長五
 六分。當擡中猶能蠕動，而展則至一寸餘，縮則不過三四
 分而圓，如小豆許。如人之寸白蟲，亦作是狀態，展則長而
 細，縮則短而圓，觀夫水蛭亦其展縮如是，無少異。由是乃
 疑如彼謂下水蛭數十條者，苟果有之，必應是寸白蟲耳。
 若短寸白蟲，比比有之，或是此爾。聊書以告子弟。
 名醫類案載華佗治一人忽患胸中煩懣，面赤不食，診

之曰：君胃中有蟲，欲成內疽，腥物所為也。即作湯二升，
 再服，須臾吐出蟲三升許，頭赤而動，半身猶是生魚膾，
 所苦遂愈。又一婦人忽生蟲一對於地，能行，長寸餘，自
 後月生一對，醫以苦參加打蟲藥為丸服之，又生一對，
 埋於土中，過數月發而視之，暴大如拳，名子母蟲。從此
 絕根。

又陸顛吳郡人，自幼嗜麪食，食愈多而質愈瘦。胡人以
 藥吐一蟲，長二寸許，色青，狀如蛙。此名消麪蟲，實天下

之奇寶也其說甚異不具述說淵

又一人患腦痛為蟲所食或教以桃葉枕一夕蟲自鼻

出形如鷹嘴莫能識其名遯齋閑覽

又從政郎陳樸富沙人母高氏年六十餘得飢疾每作

時如蟲齧心即急索食食罷乃解如是三四年畜一猫

極愛之常置於傍一日命取鹿脯自嚼而啖猫至於再

覺一物上觸喉間引手摸得之如拇指大墜於地頭尖

匾類搨沙魚身如蝦殼長八寸漸大俾兩指其中盈實

剖之腸肚亦與魚同有八子胎生蠕蠕如小鯀人莫識

其為何物蓋聞臍香而出高氏疾即愈類編

又休寧西山金舉人嘗語人曰予嘗病小腹甚痛百藥

不應一醫為灸關元十餘壯次日莖中淫淫而痒視之

如蟲出四五分急用鐵鉗扯出果長五六寸連者蟲出

如此者七痛不復作初甚驚恐後則視以為常皆用手

扯此亦偶中也仲景云火力雖微內功有力蟲為火力

所逼勢不能容故從溺孔出也其人善飲胃內膀胱不

無濕熱遇有留血瘀濁則附形蒸鬱為蟲矣

又汪石山治一婦每臨經時腰腹脹痛玉石淫淫蟲出如鼠粘子狀綠色者數十枚後經水隨至即令以酒煮黃連為君白朮香附為臣研末粥丸空腹吞之月餘經至無蟲且姪矣

虞搏治婦人陰蝕瘡陰戶中有細蟲其痒不可當食入臟腑即死令人發寒熱醫學正傳

謝肇淛曰蟲有應聲者在人腹中有聲輒應有消麪者

食麪數斗立盡有銷魚者安數斗膾中鱸即成水亦能銷人腹塊有畏酒者元載聞酒氣即醉醫於其鼻尖挑一青蟲謂為酒魔從此能飲有名怪哉者冤氣所結得酒則消有名鞠通者喜食枯桐尤嗜古墨耳聾人置耳邊立效有名脉望者蠹魚三食神仙字所化有名度古者能食蚯蚓而溫會江州所嗜漁人背者大如黃葉眼遍其上一眼一釘竟不識其何蟲也五雜俎

駁曰如華佗治蟲蓋妄談耳何者吐出蟲三升許其蟲半

身猶是生魚膾。此其腸胃中。為何等冷場邪。嗚呼。生魚膾。在腸胃間。曾不腐化。則是死腸胃耳。况半為蟲者乎。其間雖使頃刻。若是活腸胃。則不能無腹痛泄下之苦惱。何止胸中煩懣。面赤不食乎。此必決無之事也。蓋欲贊華佗奇術。妄作虛話。反承之羞耳。如剝腹洗腸亦然。皆是妄談。不足信者也。如子母蟲。消麪蟲。自鼻出蟲。類搨沙魚蟲。俱是變怪。不可信者。雖使有之。亦是一有而不復再有之事。非所以廣見識。備異聞。為法準也。畢竟俗講僧之因果談演。

曲家之雜劇話耳。何足以舉論哉。如陰莖中。玉戶中。所出之蟲。則患癢。與黴瘡。與帶下者。間有之。或因爛潰腐膿。而生者。亦是希有之事也。如謝肇淛所舉者。亦同。蓋謝氏雖才氣絕倫。而學問博雜。不正喜說幻怪。漫逞多聞。不能嚴持正議。勘破偽妄。故終篇多涉異說者也。惜乎。以彼俊才。純一熟聖學。則破迷辨惑。鴻益不少。徒駕泛濫之說。雜譚天地人事物。噫。自古有才者。多踈於實學。可勝嘆哉。

又如蛟龍病。蟲癥。鼈癥。米癥。食癥。鬚癥。蟲癥。蛇癥。斛一癥。

酒瘕。穀瘕。肉瘕。魚瘕。雞瘕。酒蠃。氣蠃。血蠃。肉龜。俱在癥門。一一辨之。大槩十而九為虛誕。勿為之所惑焉可也。

錄補

張介賓曰。蟲之為病人。多有之。由於化生。誠為莫測。在古方書。雖曰由濕。由熱。由口腹不節。由食飲停積而生。是固皆有之矣。然以常見驗之。則凡藏強氣盛者。未聞其有蟲。正以隨食隨化。蟲自難存。而蟲能為患者。終是臟氣之弱。行化之遲。所以停聚而漸。致生蟲耳。然則或由濕熱。或由生冷。或由肥甘。或由滯膩。皆可生蟲。非獨濕熱已也。然以數者之中。又惟生冷生蟲為最。即如收藏諸物。但着生水。或込陰濕。則最易蛀腐。非其義乎。故凡欲愛養小兒。極當節其水菓。以防敗脾。此實緊要之一端也。又云。蟲之為病。其類不一。或由漸而甚。或由少而多。及其久而為害。則為腹痛。食減。漸至羸瘠。而危者有之。凡蟲痛證。必時作時止。來去無定。或嘔吐青黃綠水。或吐出蟲。或痛而坐臥不安。或大痛不可忍。面色或

由濕熱。或由生冷。或由肥甘。或由滯膩。皆可生蟲。非獨濕熱已也。然以數者之中。又惟生冷生蟲為最。即如收藏諸物。但着生水。或込陰濕。則最易蛀腐。非其義乎。故凡欲愛養小兒。極當節其水菓。以防敗脾。此實緊要之一端也。又云。蟲之為病。其類不一。或由漸而甚。或由少而多。及其久而為害。則為腹痛。食減。漸至羸瘠。而危者有之。凡蟲痛證。必時作時止。來去無定。或嘔吐青黃綠水。或吐出蟲。或痛而坐臥不安。或大痛不可忍。面色或

青或黃或白而唇則紅然痛定則能飲食者便是蟲積之證速宜逐之又云驗治法昔一人患心腹大痛或止或作痛不可忍凡用去積行氣等藥百方不效但於痛極時須用拳槌之痛得少止而旋止旋作又不能愈日加困弊莫測其故忽一胡僧見之曰余能治也遂令病者先食香餌繼進一丸打下硬嘴異蟲遂愈此因蟲嚙腸臟所以痛極槌之則五內震動蟲亦畏而斂伏不槌則蟲得自由所以復作此亦驗蟲竒法故凡見心腹

痛證但用揉按重捻而痛得暫止者多有因蟲而然也

見景岳全書

張介賓比之元明諸醫流頗多所發明故其說間有可取者今附一二條于此以示子弟惜乎猶隔一層之救障以其在方技中不能看破邪說也為可憾耳如孫文胤雖才不及張氏亦稍有似者故其說亦間有可喜者此亦不免醫家者流之通套也其說在丹臺玉案中可考見也一本堂行餘醫言卷之四畢

17/85

行餘醫言

卷之四

才堂藏書

